

Valestrand Bygdelag V/ Bror Eriksen

Valevegen 100

5554 Valevåg

Innspel til ny kommuneplan

VALESTRAND BYGDELAG er hørings instans i Ny Kommuneplan som er lagt ut med høyringsfrist 27.10.16.

Valestrand Bygdelag har som formål:

- 1. Søka å skapa trivnad og harmoni for sine medlemmer. Alle som bur i krinsen Valestrand er automatisk medlem i Valestrand Bygdelag.**
- 2. Samarbeida med offentlige myndigheter og andre interesseorganisasjoner.**
- 3. Søke å gje det enkelte medlem direkte og indirekte fordel av sitt medlemskap, så som m.a. å låna eller leiga bygdelagets eigenlutar.**

Valestrand Bygdelag er ein aktiv interesseorganisasjon for folk som bur i krinsane fra Vika /Liereid/ Straumøy i sør til Tittelsnes i nord.

Krinsane her nord opplever stor interesse for utvikling av gode buminljø og auka kulturaktivitet. Særlig i nordre del , hvor Kulturfyrtårnet og "Ikonet" Fartein Valen vaks opp og budde, opplevar ein at mange «nye» innbyggjarar har flytt til. Samstundes har ungdom som har sine røter i bygda, flyttar heim igjen med familie når dei har skaffa seg utdanning. Kan og nemna at barnehagen i Valestrand Oppvekstsenter ikkje har ledige plassar, og at bygdelaget ønskjer å arbeida vidare med ein ny uteavdeling lokalisert i lavvo på oppvekstsenteret.

Me kan i den samanheng og nemna Postkafeen i butikken i Valevåg. Denne er det medlemer i bygdelaget som gjennom dugnad har utvikla til ein popular møtestad for bygda. Har møtast innbyggjarar til drøs og sosial aktivitetar, som t.d. bokkafe med utlån av bøker, treffkafe der «nye» og «gamle» valestrendingar møtest til sosial aktivitet og ulik praktisk verksemd. Kan og nemna i den samanhengen at bygda har fått innflytting av innvandrarar frå mange ulike land, som har funne seg arbeid og eit nytt liv her nord. Treffa på Postkafeen skal vera ein møteplass til språkutvikling og integrering. Dei som har

flytta inn har med seg viktig kunnskap og erfaring som er med å løfta bygda. Kan og nemna at kafeen blir nytta fast kvar fredag til pensjonisttreff.

Gjennom prosjektet «Kulturbygda Valestrand», der ein har søkt midlar gjennom Fylkesmannen i Hordaland, vil ein vidareutvikla det gode miljøet, fokusera på vår rikhaldige kultur og skapa bulyst. Svært mange ressurspersonar bur i bygda og me har ønskje om å bera med oss den rikhaldige kulturarven me har her nord. Prosjektet vårt «Kulturbygda Valestrand» skal bygga vidare på det gode arbeidet som er gjort rundt komponisten Fartein Valen, fleire kjende og aktive forfattarar, arkitektur som t.d. Einstadbøvoll gard, kolerakyrkjegarden, Valestrand Kapell og den elles rikhaldige kulturen me har i bygda.

For at den positive trenden skal vedvara , er ein avhengig av at her bur folk, og at nye innbyggjarar flyttar til. Dugnadstradisjonen står sterkt i Valestrand, noko alle fellestiltaka som er skapt ber vitnesbyrd om. Folk kan og vil engasjera seg i nærmiljøet.

Me vil og nemna det svært rikholdige foreningslivet i Valestrand : Kvinne og familielag, idrettslag, Valestrand mannskor, Sisu 4H, Valevåg Båtlag, skulemusikken, Valestrand Ungdomslag og mange fleire.

I samband med revisjon av kommuneplanen vil me peika på følgjande som er viktig for å utvikla eit godt bumiljø og gje bulyst i Valestrand :

- **Legge til rette for bustadutbygging for interesserte utbyggjarar , enten det er for "familiemedlemmer som ynskjer å flytta heim" eller andre som ynskjer å etablera seg i nordre del av kommunen . Det viktig at ein både satsar på utvikling av nye byggefelt, samstundes som ein er positiv til spreidd bebygging og fortetting av alt etablerte miljø. Det er heilt naudsynt om ein skal oppretthalda den positive trenden som krinsane i nord opplever.**
- **Kommunikasjon / Infrastruktur:**
Bygda ligger tett opp til FV av god standard (Gamle E39) med godt opplyst sykkel og gangvei til butikk , samt lys heilt nord til Tittelsnes. Fleire av krinsane har kort avstand til kommunikasjons knutepunkt E39 ved Trekantsambandet som gir kort reisetid til regionsenteret Leirvik (som også gis støtte og fordel og omtale i utkast til plan) men også til Sveio som ligg noko lenger unna i reisetid.
- **Trygga skuleveg til "Valestrand Oppvekstsenter" i samband med utviding av Vassbakk & Stol Avd. Staupe sitt steinbrot. For å vera trygge**

på at borna våre kjem seg sikkert fram og tilbake til skule må ein byggja sykkelsti med lys frå Valekrossen til Tittelsnes. Dette er eit krav ein ikkje kan komma utanom. Her er alt sendt ein uttale fra Valestrand Bygdelag.

- Laga ein kloakkplan/utsleppsplan som ivaretek allereie godkjente og bebygde arealar samt planlagde og potensielle .
- Bygda har vore gjennom mange destruktive rundar vedr. framtida for Valestrand Oppvekstsenter. Me ønskjer nå at denne diskusjonen blir «lagt daud» sånn at me kan vera sikre på at ungane våre og i framtida skal få tilbod om skule og barnehage i bygda. For å skapa framtid for bygda, og få nye innbyggjarar som slår seg ned i bygda, er skule og barnehage viktige for ei levande bygd.

Sitat frå Kommuneplanen :

Kommunen sine oppgåver: Generelt sett bør ein sjå på korleis det kan leggjast til rette for eit kultur- og idrettstilbod i kommunen som kan vera med å fremja gode levekår og folkehelse. Det bør gjerast i eit overordna perspektiv for å sikre ein heilsakleg løysing. Utfordringane for kommunen vil mellom anna liggja i å oppretthalda dei kulturfyrтårna ein allereie har i form av mellom anna Ryvarden fyr, Valenheimen og golfbanen og ein bør sjå på moglegheiter for å bruka desse enno meir for å fremja kulturtilbodet i kommunen.

Det ligg ein klar potensiale for å utnytta kulturfyrтårna meir. Særskilt rundt Valestrand og Fartein Valen sin heim er det meir potensiale for å vidareutvikla konseptet rundt den kjente komponisten.

Konklusjon : Både for å byggja på alle dei positive faktorane i bygda vår, og for å vidareutvikla ein god bukommune, noko som er eit uttalt mål for Sveio kommune, ber me administrasjonen/ kommunestyret ha fokus på det som er uttalt i denne kommentaren til revisjon av kommuneplanen. Me som bur i Valestrand veit kva verdiar som ligg i eit rikt organisasjons- og kulturliv, godt naboskap, gode bumiljø, skule og barnehage og trygge vegar.

Me ønskjer oss, og vil arbeida for at bumiljø og næringsliv vil få utvikla seg med vekt på eit berekraftig miljø, eit trygt oppvekstmiljø for ungane våre, og ei bygd som tek omsyn til at alle som som bur i bygda vår, i tråd med føresetnadane som er halde fram i kommuneplanan.